



JUDISIAL SYSTEM MONITORING PROGRAMME

PROGRAMA DE MONITORIZAÇÃO DO SISTEMA JUDISIAL

Komunikadu Imprensa

Periodu : **Maiu 2011**

Edisaun : **19 Maiu 2011**

Parlamentu Nasionál kestiona relatóriu PNUD ne'ebé akuza PM Xanana sai obstaklu ba dezvoltimentu

Iha loron 05 Maiu 2011, Parlamentu Nasionál, liu-liu husi bloku AMP kestiona maka'as relatóriu Programa Nasoens Unidas ba Dezenvolviementu (PNUD) hamutuk ho ajénsia UN sira seluk (UNCDF, UNEST ho DGSU) ne'ebé indika katak Primeíru Minístru Xanana Gusmão mak sai obstaklu ba dezvoltimentu iha Estadu de Direítu Repúblika Demokrátika Timór Léste.

Diretóra Interina JSMP Flora Soriano Menezes haktuir katak *mesmu preokupa uitoan ho relatóriu ne'e, maibe relatóriu refere, manifesta sentidu no mensajem krítiku ba orgaun soberania sira atu ezerze sira ida-idak nia papel-funsaun tuir saida mak defini ona iha Konstituisaun. Tanbá ne'e, nia husu ba entidade hot-hotu atu hare no konsidera relatóriu ida ne'e hanesan referensia adiosionál ida ba entidade tomak atu refléta.*

Relatóriu ne'ebé fo sai iha loron 24 fulan Janeiru 2011, PNUD tenta fó sira nia observaun ba lala'ók governasaun RDTL nian. Relatóriu ne'e iha pájina hamutuk 9, ne'ebé fó sai husi diáriu Tempo Semanal iha sira nia webbsite.

Tanbá relatóriu ne'e, situasaun iha Parlamentu Nasionál sai barrullu uit-oan bainhira Fretilin uza relatóriu PNUD ne'e sai hanesan materia ba deklarasaun polítika iha plenária hodi akuza governu AMP inkapasidade, no relembra hikas relatória ne'e liu-liu iha pajina número 9 ne'ebé deklarata katak PM Xanana sai hanesan obstaklu bo'ot ba dezvoltimentu Governasaun Demokrátika iha Estadu de Direítu Demokratiku iha Timór Léste.

Relatóriu ne'e mós deklara katak orgaun ezeutivu, liu-liu Primeíru Minístru Xanana Gusmão buka atu hadau podér bo'ot liu iha Parlamentu no Tribunál sira, signifika katak Primeíru Minístru sempre halo presau ba Tribunál no Parlamentu iha prosesu foti desizaun. Hanesan ezemplu ba kazu Maternus Bere no atake ba relatória dala uluk husi Tribunál Kontas iha tinan 2010 hodi nune'é estadu demokrátiku no *rule of law* sei menus no *rule of Prime Minister* mak sei bo'ot liu.

Fretilin Konsidera relatóriu ne'e hanesan relatóriu ne'ebé korrektu tanbá kondiz ho situaun real Timór Léste ninian, tanbá dala barak governu *de facto* AMP sama konstituisaun hodi la rona orgaun lejislativu hanesan orgaun ne'ebé aas liu.

Iha parte seluk, Bloku AMP iha Parlamentu Nasionál, inklui Prezidente Parlamentu Nasionál, Fernando Lasama, lamenta teb-tebes ho relatóriu ne'e, no deklara katak sei ejije esplikasaun detalladus husi parte ONU/PNUD. Tuir Lasama réalmente governasaun AMP iha duni frakeza balun, maibé PM Xanana la iha intensaun atu baralla nasaun. Membru AMP balun até konsidera relatóriu ONU/ PNUD ne'e hanesan vingansa polítika ne'ebé lansa husi ema balun atu manobra situaun hodi hanaruk tan sira nia mandatu ne'ebé besik remata dau-daun ona.

Atu hetan infórmasaun kle'an favor kontaktu direitamente:

Flora Soriano Menezes

Diretóra Interina JSMP

Diresaun e-mail: alol@jsmp.minihub.org

Landline: 3323883